

# يا رب حوش

يا قلمي أكتب و دون

فوق السطور

من فضلك أوعى

تكشف المسطور

أنا عايش في الدنيا

حزين مكسور

جراحي بتنزف ألم

جراحي بتنزف غم

و الدنيا حوالية

صبحت هم في هم

الدنيا ملانة تعب

الدنيا فيها غش  
من ظلم الناس يا قلبي  
الوش خاصم الوش  
الناس يا دنيا قاسية  
تعبت بعضها  
إن ضاعت فيكي حاجة  
تدور متلاقيهاش  
حياتنا الحلوة راحت  
خلاص شربنا المر  
مبقاش فيكي يادنيا  
أي شئ يسر  
مليت من الكلام  
تعبت من المناهدة

مبقاش ينفع كلام  
مبقاش يجيب فائدة  
الغلا وحش كاسر  
بيطحن الخلايق  
الظلم كمان يا دنيا  
ما خلا حد فايق  
عاش في وسط وحوش  
و ناس يتملى كروش  
مع الوحش إلهي فيهم  
تقول يا رب حوش